



Erik Jensen, Siumut
Inatsisartut

**Nioqqutissat puuinut akitsuut pillugu § 37 naapertorlugu apeqqummut
2026/136-mut akissut**

Brevdato: 20-08-2026
Sagsnr. 2026 - 14286

Inatsisartut Suleriaasianni § 37, imm. 1, naapertorlugu nioqqutissat puuinut akitsuut
pillugu Naalakkersuisunut apeqqutit tulluuttut saqqummiuppatit.

Apeqqutitut akissuteqarnissaq Akileraartarnermut Aqutsisoqarfimmiimmat,
akissuteqarnissamut ilapittuutit taakkunannga pissarsiarineqarput.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Apeqqutit tulluuttuni akineqarput.

**Apeqqut 1: Naalagaaffiup karsianut poortuutitut aammalu imigassanik
poortuutitut eqqussuinermit akitsuutitut isertitat katillugit ukiumut 2022-mi, 2023-
mi, 2024-mi, 2025-mi aammalu 2026-mi (akissuteqarnerup nalaani killiffik
naapertorlugu) qassiusimappat?**

Akissut:

Apeqqutit uuma akineqarneranut atatillugu nioqqutissanik eqqussuinermit akitsuutit
pillugit inatsimmi § 1, imm. 1, nr. 6-mi imerusaatinut puut pineqarnerat
tunngavissaatinneqarput, takkulu ullumikkut ulloq ima aalajangersagaapput

- a) pooq ataaseq ilanngaaseereerluni 0,25 literi tikillugu imalik: 1 kr. 40 øre
 - b) pooq ataaseq ilanngaaseereerluni 0,25 literi sinnerlugu imalik: 2 kr. 90 øre.
- Immunnik nioqqutissanut puut kiisalu imerusaatinut puut Qaanaamut,
Ittoqqortoormiut Tasilamulluunniit eqqunneqartut ilaatinneqanngillat.

Taamattaq akissummi qularnaveeqqusiinermi akiliut allaffissornermullu akiliut,
imerusaatit puuinut utertitsisarnermi akiligassanngortinneqartut ilaatinneqarput.

Taamattaq katinneranni nunatsinni maqitsivinni puunut akitsuummit iluanaarut
ilaatinneqarpoq. Akitsuummi tassani siusinnerusukku Nuuk Imeq, nunatsinni
immiaaqqanik sodavandinullu puiaasanut maqitsisartoq ilaatinneqarpoq, tassungalu
atatillugu akitsuummik nioqqutissiat nunatsinni tunisassiarineqartut puuinut akitsuummik
naleqartumik akiliisarpaq.

Apeqquut 3: Naalakkersuisut paasissutissiissutigisinnaavaat imigassanik eqqussuineq poortuutit pingaarnert (igalaaq, aluminiumi, plastikki il.il.) tunngavigalugit ammaanerp sioqqullugu kingornalu qanoq ineriartorsimanersoq?

Akissut:

Akilerartarnermut Aqutsisoqarfiup atortorissaarutaani igalaaminernik, aluminiumik, plastikimik allanillu imeruusaatit puuinut agguakkanik paasissutissartaqanngilaq.

Apeqquut 4: Naalakkersuisut poortuutitut tunngasut ammaanerpisa aningaasaqarnikkut kingunerisa pillugit ataatsimut nalilersuisimanerlutik, tassungalu ilanngullugit:

- a) Atuisunut,
- b) Niuertarfinnut,
- c) Eqqussuisunut,
- d) Kiisalu nunatta karsianut akitsuutitugit isertitat.

Nalilersuineq suliarineqarsimappat taanna akissummut ilanngullugu nassiunneqarnissaa kissaatigivara.

Akissut:

Nioqqutissat puunik unammillernermik ammaassinermit assigiinngiaartunut taaneqartuni aningaasaqarnikkut kingunerisaannik ataatsimoortumik Naalakkersuisut nalilersuinngillat.

Apeqquut 5: Naalakkersuisut misissorsimavaat poortuutitut eqqussuinermit akitsuutit ullumikkut atorineqartut immiaaqqat, sodavandit kiisalu imigassat allat nioqqutissatut akiinut qanoq sunniuteqartarnersut?

Akissut:

Eqqussuinermit akitsuutit immiaaqqanut, sodavandinut imeruusaatinullu niuertarfinni akinut qanoq sunniuteqarnerannik Naalakkersuisut misissueqqissaanngillat.

Eqqussuinermit akitsuutit immiaaqqanullu, sodavandinut imeruusaatinullu akiliutit pingasunit sisamanut assigiinngitsunut agguarsimasunik katitigaapput, taakkulu tulluittuni 33 cl sodavandi, niuertarfinni amerlanerni pisiarineqarsinnaasoq atorlugu assersuusiariqarput.

Nunatsinnut eqqussuinermit qularnaveeqqummut akiliut akilerneqartarpoq, taannali utertitsisarnermik kaaviiartitsinermit kingorna inuussutissarsiornermit ingerlatsisunut utertitsinermit utertinneqartarpoq, taamaammallu katinernerit ilaatinneqanngilaq, takussutissiamulli ilanngunneqarluni.

Suussusaa	Koruunit
Sodavandimik eqqussuinermit akitsuut (5.75 kr. / liiterimut)	1,89 kr.
Nioqqutissap puuanut akitsuut (Qularnaveeqqusiinermit akiliut)	2,90 kr. (2,00 kr.)
Allaffissornermut akiliut	0,60 kr.
Katillugit	5,39 kr.

Akitsuutilli ataatsimut qaffasissusaat ukiuni arlalinni allanngunngilaq, sodavandinullu immiaaqqanullu akitsuutit kingullermik 2016-imi 2019-imilu allanngortinneqarput.

Apeqquut 6: Naalakkersuisut naatsorsorsimavaat eqqussuinermit akitsuutit qanoq annertutigisut pisisartunut nioqqutissat akisunerulernerisigut ingerlateqqinneqartarnersut?

Akissut:

Apeqquutit imeruersaatinut tunnganera akissuteqarnermit tunngavissaatinneqarpoq.

Maanna eqqussuinermit akitsuutit ilaata qanoq annertutigisup, qaffasinnermik tunisinermit akeqartitsineq aqqutigalugu atuisunit akilersinneqarnissaanik naatsorsuutiginninneq Naalakkersuisut naatsorsorsimanngilaat.

Suliffeqarfiit aallaavittut ilaatigut eqqussuinermit akitsuutitut aningaasartuutiminnik atuisunut tutsitsiniartarnerat nalinginnaasumik naatsorsuutigineqartariaqarpoq.

Oqaatigineqareersutut akitsuutit ataatsimut qaffasissusaat ukiuni arlalinni allannguuteqarsimanngilaq, katitigaanerali puunut akitsuutip appartinneqarneratigut, qularnaveeqqusiinermit akiliutip allaffissornikkullu akiliutip eqqunneqarneratigut allanngortinneqarpoq. Tamatuma puunik nalunaarutip niuernerpalaartunngortinnerata imeruersaatinik imerneqariaannanik eqqussuinerup annertuumik qaffariarnerat takutippaa, tamannalu ilaatigut Nuuk Imip 2024-mi matuneqarnerata malitsigisaanik pivoq.

Apeqquut 7: Naalakkersuisut poortuutitut eqqussuinermit akitsuutit appartinniarlugit imaluunniit atorunnaarsinniarlugit pilersaaruteqarpat?

Akissut:

Naalakkersuisut maannakkut puunut eqqussuinermit akitsuutit appartitsinissamik pilersaaruteqanngillat. Taamaaliornermi iluanaarutitigut aamma avatangiisitigut kiisalu peqqissutsikkut kinguneqaatinik ilanngussilluni isumaliutigineqartariaqassaaq. Tamatuma saniatigut akitsuutit appaaneq atuisunut akit appasinnerulernerannut iluaqutsiisinaanera imaaliillaannarluni ilimagineqarsinnaanngilaq, niuertarfiimmi siusinnerusukkut toqqortaatit annertusaaneq kiisalu inuussutissarsiortuni aningaasartuutit ataatsimut qaffariarnerat innersuussutigalugu akigititanik attassinnaanissaat ilimagineqartariaqarmat.

Apeqquut 8: Naamik akineqarpat, Naalakkersuisut tamanna pillugu tunngavigisat sukumiisumik nassuiassavaat.

Akissut:

Puunut akitsuutit imeruersaatinut ataatsimut akitsuutit ilaannaraat ataaseq.

Nioqqutissanik eqqussuinermit Inatsisartut inatsisaanni § 1, imm. 1, nr. 6 malillugu puunut akitsuummik appaaneq atorunnaarsitsinerluunniit, imeruersaatit, ilaatigut immiaaqqat, sodavandit imeruersaatit eqeersaatitallit il.il. akiisa apparnissaat naliliutaavoq.

Akit appannerisa atuinerup annertusineranik malitseqarnissaa annertuumik ilimanaateqarpoq, tamannalu akitsuutiniq immiaaqqanut, sodavandinut imeruersaatinullu eqeersaatitalinnut allanit iluanaaruteqarnerunermik kinguneqassaaq.

Akitsuutittaaq inuiaqatigiinni isiginiagassanut tunngatillugu nunap karsianut sunniuteqarput. Sodavandinik immiaaqqanillu atuinerulerneq oqimaappallaalernikkut, kigutit peqqissuuneranni ajornartorsiutitigut imigassamillu atornerluinikkut peqqissutsimut kinguneqaateqarsinnaavoq, taamaalillunilu peqqinnissaqarfimmut inuiaqatigiinnullu nanertuusiissalluni.

Puunik eqqussuinerup annertusiner aamma eqqagassat annertusinerannik malitseqarsinnaavoq, tamannalu utertitsisarnermik aqqissuussinikkut illersorneqarsinnaasumik avatangiisinut tunngatillugu passunneqanngippat, pinngortitamut avatangiisinullu innarliisinnaavoq.

Nioqqutissat puui pillugit nalunaarutikkut unammilleqatigiilersitsineri niuerfiup qanoq ineriartornissaa nalornissutaanikuvoq. Niuertarfinnut il.il. annertunerusumik nunani tamani imeruersaarsiororsuarnit immiortorsuarnillu, imeruersaatinik aningaasartuutikitsilluni tunisassiorsinnaasunit toqqaannartumik eqqussinerup amerlanertigut atuutilernera kinguneraa.

Apeqput 9: Poortuutitut eqqussuineri akitsuutit:

a) 25 %-mik

b) 50 %-mik

c) 75 %-mik

d) 100 %-mik apparneqassappat imaluunniit atorunnaarsinneqassappat Nunatta Karsianut qanoq aningaasaqarnikkut kinguneqassava?

Akissut:

Ukioq 2025-mut kisitsisit apeqput 1-imi allanneqartut tunngavigalugit, allannguneq iluanaarutitut tulluuttumik sunniuteqassaaq:

Akitsuummik appaaneq	Iluanaarutitut annaasat
25%	25.480.695
50%	50.961.391
75%	76.442.086
100%	101.922.781

Naatsorsuineq amerlassusaannaat aallaavigalugit naatsorsugaavoq, taamaalillunilu sunniutaatinik ilanngussisuunani, tassani tunisaqarnerulernermi isertitat allaffissornerulernikkullu, peqqissutsimut aningaasartuutit il.il. aningaasartuuteqarnerulerneq ilanngullugit.

Apeqput 10: Naalakkersuisut misissorsimavaat poortuutitut akitsuutit appartinneqarpata eqqussuinerup annertunerulerneratigut, niuernerup annertunerulerneratigut kiisalu akitsuutit akileraarutillu allat aqqutigalugit isertitat ilaannik uterteqqinneqarsinnaanersut?

Akissut:

Naalakkersuisut tamanna erseqqinnerusumik misissorsimangilaat. Ullumikkut nunatsinni imeruersaatit akiisa nikerarnerannik misissoqqissaakkanik, misissueqqissaarnermik taamaattumik pisinnaanngortitsisumik pigisaqartoqanngilaq.

Apeqquut 6-ip akineqarnerani allanneqartutut, 33 cl. sodavandimut qillertuusamut puunut akitsuut, akitsuutinit katillugit 5,39 kr.-nit 2,9 kr.-uvoq. Puunut akitsuut taamaalilluni sodavandimut ataatsimut akitsuutit akiliutillu affaannit annertuneruvoq.

Puunut akitsuut assersuutigalugu atorunnaarsinneqarpat, taava puunut akitsuummit iluanaarutit appariarnerat matussuserniarlugu atuineq 100 %-mit annertunerusumik qaffariartariaqassaaq. Allanguinerli aamma niuertarfinni sinneqartoorutit annertunerulernerannik kinguneqarsinnaavoq, taamaammallu niuertarfinnit ingerlatseqatigiiffinnut akileraarutinit isertitat qaffassallutik. Tamatumali iluanaarutitigut siunnersuutigineqartutut iliuuseqarnikkut iluanaarutinit annaasat illuatungilerneqarumaarnerannik isumaliuteqassalluni tunngavissaqarsorinanngilaq.

Sodavandinik immiaaqqanillu atuinerulernerq, tamatuma saniatigut aamma inuiaqatigiinnut aningaasartuuteqarnerulerneramik malitseqassaaq. Tamakku tassaasinnaapput oqimaappallaarnermut, kigutit peqqissuunerannik imaluunniit imigassamik atornerluarnermut aningaasartuutit.

Apeqquut 11: Naalakkersuisut naliliippat poortuutitut eqqussuinermit akitsuutit ullumikkut atuuttut Naalakkersuisut innuttaasut pisissutaasa nukittorsarneqarnissaat aammalu ulluinnarni nioqqutissat akiisa qaffakkiartorerisa killilersorneqarnissaat pillugu anguniagaannut naapertuunnersut?

Akissut:

Puunut eqqussuinermit akitsuutit ataatsimut akitsuutitut akinullu politikimut ataqatigiissillugu isiginiartariaqartut, Naalakkersuisut naliliipput.

Akitsuutit sapinngisamik nioqqutissanut atuinerup annertuutitigut saniatigut toqqagaaneratut isigineqartariaqartunut siunnerfeqartinneqartariaqarput, taamaalilluni nioqqutissanut nalinginnaasunut akinut innuttaasullu pisisinnaassusiannut sunniinerit killeqartinneqaqqullugit.

Tamatuma saniatigut akitsuusiisarnermit politiki avatangiisinut peqqissutsikkullu isiginiagassanut ataqatigiissillugu isigineqassaaq.

Apeqquut 12: Naalakkersuisut misilittakkat tunngavigalugit poortuutitut akitsuutitut aqqissuussinerup ataatsimut iluarsartuuteqqinneqarnissaa pillugu suliniuteqalersaarnersut?

Akissut:

Puunut immikkoortumi akitsuusersueriaatsip nutarternissaanik aallartitsinissamik Naalakkersuisut pilersaaruteqanngillat, tamatumani ilaatigut sunniuteqaatit annertuut tamatuma inuiaat peqqissuunerannut, avatangiisinut nunattalu karsianut kingunerisinnaasai tunngavigalugit. Tamanna aamma puunut nalunaarummi unammilleqatigiilerneq sulit nutaajuneranik tunngaveqarpoq, taamaammallu


nutarterisinnaaneq aallartinneqartinnagu imeruersaatinik eqqussuinermi misilittakkat annertunerusut kissaatigineqarlutik.

Apeqqu 13: Naalakkersuisut nalilersorsimavaat poortuutitut nalunaarut tunngavigalugu ammaanerup siunertarisai aallaqqaammut oqaatigineqartut, tassalu unammilleqatigiinnerup annertusarnissaa, atuisut toqqagassaqaernerulernissaat aammalu nioqqutissat akikinnerulernissaat, piviusunngorsimanersut? Taamaassimappat Naalakkersuisut tamanna pillugu nassuiaateqassasut kiisalu misissuinerit imaluunniit nalilersuinerit pigineqartut ilanngullugit nassiunneqarnissaat kissaatigineqarpoq.

Akissut:

Apeqqu 4-mi oqaatigineqartut Naalakkersuisut immikkoortumik ataatsimut nalilersuinerimik ingerlatsisimanngillat.

Inussiarnersumik inuulluaqqusillunga



Aqqaluaq B. Egede